

本草述卷之七下

潛江劉若金先生著 武進薛恮秉之氏校訂

山草部下

黃連

時珍曰其根連珠而色黃故名 覈曰漢取蜀產
唐取澧州今取雅州眉州者爲良苗似茶叢高尺
許一莖三葉花黃色凌冬不凋有二種一種根粗
無毛有連珠形如鷹爪質堅實色深黃一種無珠
多毛中虛色淡黃各有所宜也 原始曰節多堅
重相擊有聲者佳黃色鮮明者善蘆多者劣瘦小

一 鬚多者不堪入藥又曰用連不必分地土惟擇肥
一大連珠者

一 根氣味苦寒無毒 別錄曰微寒 普曰神農岐

伯黃帝雷公苦無毒李當之小寒 潔古曰黃連

性寒味苦氣味俱厚可升可降陰中陽也入手少

一 陰經 海藏曰黃連苦燥苦入心火就燥也凡治

血病防風爲上使黃連爲中使地榆爲下使 李

氏曰瀉心實瀉脾故目爲中焦使藥 復曰黃連

經冬不凋寒水之象有節色黃中土之制心之用

藥也

愚按黃連及黃檗黃芩皆氣寒味苦而其色皆黃蓋水火之所以體物而不遺者土也連

槩流溼就燥以行其氣化故各歸於中土之色也
若苓入手太陰肺肺主氣所謂陰陽合同而化者
歸於肺以爲主也又豈能離於
中土哉是則所謂三黃之義也
主治鬱熱在中

煩燥惡心兀兀欲吐心下痞滿吞酸吐酸或卒心
痛熱嘔熱洩一切溼熱腹痛熱痢五臟冷熱久下
洩澼膿血療暑毒一切天行熱毒諸瘡瘍毒治熱
氣目痛皆傷淚出並脇及小腹邊痛又小兒疳氣
婦人陰中腫痛鎮肝涼血調胃厚腸
嵩曰本草
言其寧神治驚悸健忘以其能瀉心火也故安神
定驚等丸皆用之
象曰治中焦鬱熱煩燥消渴
或兀兀欲吐心下痞滿必用藥也仲景治九種心

下痞五等瀉心湯皆用之

按黃連佐枳殼消痞甚速

嘉謨曰

薑汁製炒治上焦痰火以吳茱萸佐之治吞吐酸

水要藥 嵩曰與木香同用治心下痞并腸中積

滯爲腹痛下痢要藥同吳茱萸用治肝火兼脇與

小腹邊痛 丹溪曰黃連去中焦溼熱而瀉心火

若脾胃氣虛不能轉運者以茯苓黃芩代之下痢

胃口熱禁口者用黃連人參煎湯終日呷之如吐

再強飲但得一呷下咽便好 劉完素曰古方以

黃連爲治痢之最蓋治痢惟宜辛苦寒藥辛能發

散開通鬱結苦能燥溼寒能勝熱使氣宣平而已

諸苦寒藥多泄爲黃連黃檗性冷而燥能降火去
溼而止瀉痢故治痢以之爲君 按別錄兼主泄
瀉泄者瀉利也瀉者大腸下血也卽朱丹溪先生
所云則黃連入中土氣分心爲君火氣乃火之靈
也然治血病黃連爲中使爲心主血而黃連本寒
水之化以入心正所以調血故本草言其治腸癖
也 韓忭懋曰以黃土薑汁酒蜜四炒爲君以使

君子爲臣白芍藥酒煮爲佐廣木香爲使治小兒
五疳以茱萸炒者加木香等分生大黃倍之水丸
治五痢 時珍曰古方治痢香連丸用黃連木香

薑連散用乾薑黃連變通丸用黃連茱萸薑黃散
用黃連生薑治消渴用酒蒸黃連治伏暑用酒煮
黃連治下血用黃連大蒜治肝火用黃連茱萸治
口瘡用黃連細辛皆是一冷一熱一陰一陽寒因
熱用熱因寒用君臣相佐陰陽相濟最得制方之
妙所以有成功而無偏勝之害也 愚按各方似
亦審其受病之淺深臟腑之上下以製使不止於
一冷一熱之謂也 希雍曰黃連稟天地清寒之
氣以生故氣味苦寒而無毒味厚於氣味苦而厚
陰也入手少陰陽明足少陽厥陰足陽明太陰爲

病酒之仙藥滯下之神草六經所至各有殊功

同赤檉木葉入三黃石膏湯治痧疹已透而煩躁

不止有神 入當歸六黃湯加棗仁龍眼治盜汗

有神 同地黃甘菊荊芥穗甘草梢芎藭柴胡蟬

蛻木通治風熱上攻目赤痛 同芍藥蓮子扁豆

升麻甘草滑石紅麴治一切滯下膿血 同槐花

枳殼乳香沒藥治滯下純血腹痛煮服神效 同

麥門冬五味子治卒消渴小便多良 同人參蓮

子治虛人患滯下及老人產婦滯下不止 同五

穀蟲蘆薈白蕪荑青黛白槿花白芙蓉花治小兒

一切疴熱如神

愚按黃連之味苦氣寒何以主治入心盧復所謂
寒水之象中土之制判爲心之用藥者其義可思
夫離中有坎丁壬原有合也腎脈支者注胸中然
脾與肝腎同上行而脾脈注於心中此味本寒水
至陰乃其花黃六月結實亦黃獨用根根黃六七
月根緊乃堪采何以本至陰氣味而色象與告成
之時俱歸中土豈不深合斯義夫寒水之化元合
於離中之坎乃具於中土以致之如寒水不假黃
婆則水亦何得交於火此天然妙理在物性亦有

然者也。卽此以思，是黃連的入心，而心之用唯中
土最先。昔哲曰：心是天真神機開發之本，胃是穀
氣充大真氣之標。標本相得，則膻中所留宗氣，乃
能流布四臟而不爲病。此經所云真氣者，與穀氣
並而充身之謂也。所云膻中宗氣，卽腎脈注於胸
中之謂也。然則胃中穀氣，所以充大宗氣，而脾脈
之合腎肝以注心者，豈不爲心之用歟？心之用病，
是卽病乎心也。故王海藏所云：雖曰瀉心，其實瀉
脾。朱丹溪先生所謂黃連治病在清心胃者，豈臆
說哉？夫人身一水不勝二火，而六淫七情與正氣

一 戾者。卽化爲熱。從六淫則由肺而胃。從七情則由
心而胃。由心者。此味的治矣。然由肺病胃者。以肺
陰不降而入心。卽清中之濁。不能入胃而生血。以
還爲心病。是宜熱者寒之。此本至陰氣味以歸中
土者。皆非其的對乎。故所治種種諸證。不越於中
土。然皆本於陽中之太陽。不得合於寒水真陰以
爲病也。陽中之太陽。心也。此數語是病機微義。主治要領。於鬱熱溼熱中的。故先哲
謂其卻鬱熱溼熱者是矣。蓋陽中少上聲陰。則氣鬱
而化熱。鬱熱久則化溼。其相因以病也。固如此。此
味本寒水之化。以爲中土之用。更其性味兼得乎。

燥金故其治熱之鬱鬱之溼者正對待以奏功也
抑心之用病莫先於中土故其治亦莫先於中土
矣在肝病亦何以次及之曰風木本達寒水之化
以上奉者也此味能致寒水之化以歸中土則肝
固陰中之少陽也其氣亦暢矣中土又行氣於三
陰三陽者況在肝乎況有同氣相求者製而引之
以入肝乎夫一切肝火之爲病未有不挾心火者
在肝經多鬱火溼火同吳茱萸用之豈不奏效其
言鎮肝涼血者更可思也

本寒水之化以入心故能涼血涼血卽所以鎮

肝肝血藏也入心涼血酒炒

蓄惡血內外俱熱有證與少陽相似者如服小柴

胡湯不效。當以黃連一分。赤茯苓半分。入燈心煎。與之又大小。產熱入血室。小柴胡力所不及者。於內加靈脂。仍以黃連赤茯苓佐之。蓋心主血。黃連茯苓皆清心涼血之劑。所以收功。又按

黃連謂厚腸胃。說者以爲除溼熱。卽是能厚腸胃。不思如黃芩亦除溼熱。何以不然。蓋其入心者。就燥之性也。燥者卽在苦寒中。足陽明胃。手陽明大腸。皆燥金也。同氣相求。雖苦寒而能燥者。是卽厚之歟。李氏曰。用吳茱萸炒。調胃厚腸。在黃芩亦有。用茱萸製者。何以不厚腸胃耶。則其本心火之母。而就燥。所以功效有異也。附方 治痢香連丸

李絳兵部手集治赤白諸痢裏急後重腹痛用宣

黃連青木香等分搗篩白蜜丸梧子大每服二三
十丸空腹飲下日再服其效如神久冷者以煨蒜
搗和丸之不拘大人嬰兒皆效 易簡方黃連茱
萸炒過四兩木香麪煨一兩粟米飯丸 丹溪治
禁口痢加石蓮肉 王氏治痢渴加烏梅肉以阿
膠化和爲丸 氣痢後重濟生方秘傳香連丸用
黃連四兩木香二兩生薑四兩以薑鋪砂鍋底次
鋪連上鋪香新汲水三盃煮焙研醋調倉米糊爲
丸如常日服五次 變通丸治赤白下痢日夜無
度及腸風下血用川黃連去毛吳茱萸湯泡過各

二兩同炒香揀出各爲末以粟米飯和丸梧子大
各收每服三十丸赤痢甘草湯下黃連丸白痢薑
湯下茱萸丸赤白痢各用十五丸米湯下 香連
散宜連一兩生薑四兩同以文火炒至薑脆各自
揀出爲末水泄用薑末脾泄用連末每服二錢空
心白湯下甚者不過二服亦治痢疾 臟毒下血
蒜連丸用獨囊蒜煨搗和黃連末爲丸日日米湯
服之 按痢一證唯黃連爲要藥而香連丸一製
真有妙理蓋黃連苦寒則降者多木香辛苦熱辛
多於苦丹溪謂其氣上升同於連用是升以佐降

也。且痢病槩本於肺氣不行。潔古曰。木香能除肺
中滯氣。夫以寒除熱。更調升降。而除其滯氣。故此
方賴以永利也。後之或用薑。或用吳茱萸。亦自有
別。生薑則由肺而胃。助苦寒以達氣。而熱乃行。似
於氣分居多。吳茱萸則由肝而脾。助苦燥以除溼。
而熱乃清。似於血分爲多。蓋溼熱固在血分也。至
伏暑證有用酒者。爲干於心包絡。包絡主血也。久
冷者及臟毒下血。並用煨蒜和丸。爲其辛熱喜散。
更能通五臟。而更清血分之著滯歟。義見大蒜條。
希雍曰。凡病人血少氣虛。脾胃薄弱。血不足以致

驚悸不眠而兼煩熱躁渴及產後不眠血虛發熱
泄瀉腹痛小兒痘瘡陽虛作泄行漿後泄瀉老人
脾胃虛寒作瀉陰虛人天明溏泄病名腎泄真陰
不足內熱煩燥諸證法咸忌之犯之使人危殆大
忌豬肉 嵩曰若胃中停食受寒及傷寒下早致
痞俱不可用除腸紅因溼熱者固宜若陰虛下血
及損脾血下者俱禁用大都唯實熱盛者宜服
修治 非真川黃連不效折之中有孔色如赤金
者良去鬚切片分開粗細各置薑汁透用綿紙襯
先用山黃土炒乾研細再炒至將紅以連片隔紙